

Skógarvörðurinn á Norðurlandi:

STARFSKYRSLA FYRIR ÁRIÐ 1928.

Kristján Kristjánsson.

Starfsskýrsla skógarvarðarins á Norðurlandi fyrir árið 1928.

S k ó g a r h ö g g :

Í Vaglaskógi var höggvið á árinu:

Eldiviður o. fl.	573	hestbúrdir	
Birgðir f. f. ári	153	"	726 hestb.
Til Reykjavíkur	50	"	
Til girðinga	3	"	
Selt úr skóginum	52	"	
Leyft högg (eldiv.o.fl.)	243	"	
Eldiviður skógarv.	188	"	536 "
Biggðir 31/12			190 hestb.

Í Sigríðarstaðaskógi hafa á þessu ári verið högnir 12 hestb. með mínu leyfi

G r æ ð i r e i t u r :

Afhent var úr græðireitnum:

Birki	1.737	stk.
Reynir	153	-
Reynir (úr fræb.)	200	-
Ósp (frá Garði.)	200	-
viðikurl	20	-
Samt.	2.310	stk.

Sáð var 6 kg. birkifræ í græðireitinn.

Ý m i s l e g t :

Í haust var safnað 28.8 kg. af birkifræi, sem eftir að búið var að hreinsa það og þurka vóg 19 1/2 kg. og er það fræ geymt hér enn.

Af 13 kg., sem hér var til í ársbyrjun var 1/1 sent 1 kg. Skogfrökuntoret Johannes Rafn & Sön Köbenhavn, F.. 3 kg. 5/6 sent Hákonni Finnssyni, Borgum, Hornafirði, 6 kg. var sáð í græðireitinn hér í vor, en 3 kg. eru til ónotuð.- Fræ það sem hér var sáð spír- aði mjög illa, enda var júnímánuður afar kaldur og þur. -

Fræ var mjög lítið á skóginum í sumar og því mjög erfitt að fá það gott, en á það lagði ég aðaláherzluna.

Í girðinguna var riðið í kantinum að ofan- með mjóum sléttum vír, frá syðsta girðingarhorni út fyrir tún og virðist mikil bót að því.

Aðgerð á húsinu, sem eftir var frá í fyrra, hefir verið framkvæmd, samkv. því, sem ráðgeert var í sumar, nema eftir er að mála. Hefir Jón Ferdinandssona í Skógum láfað að framkvæma það seinna á vetur. Enda búið að fá efnið.

Sömuleiðis var gjört við bæjardyrnar - eins og ráðgert var -, og lagður pappi á gamla húsið, svo nú lekur það ekki.

Ferðir hefi ég engar farið, nema út að Garði og í Sigríðarstaðaskóg og með plöntur til Akureyrar.

Merkin - tölustafirnar - á trjánum í merkireitunum, voru endurnýjuð í haust. Kom þá í ljós, að búið var að höggva af þeim í reit II. no. 6, 12, 27, 29, 31, 36, 37, 43, 48, 49, 62, 66, 67, 69, 71, 72, 74, 79, 82, 84, 90, 102, 141, 142, 143, 144, 152, 158, 159, 160, 161, 162, 163, 168, 169, 170, 174, 187.

Númerin óundirstrikuðu munu hafa verið höggvin haustið 1925 af klaufaskap eða roluskap. En hvenær undirstrikuðu númerin hafa verið höggvin, veit ég ekkert um. Vissi ekki að þau væntuðu fyrr en reiturinn var merktur upp.

Samt sást það á stúfumum, að þessi tré hafa ekki verið höggvin í sumar.

Vöglum 8. jan. 1929.

Kristján Kristjánsson.